



UNaka noNala bathetha ngamanzi

Eric Khorombi
Simon Mokoena





UNaka noNala benza umsebenzi wabo
wasekhaya. Bafunda ngamanzi.

UNala uthi, “Amanzi awanambala
nancasa, kodwa abaluleke kakhulu!”



UNaka uyavuma esithi, "Yonke into ephilayo iyawadinga amanzi. Abantu bayawasela, bapheka ngawo, bacoca ngawo baze bawasebenzise xa belima."

"Nokwenza izinto kwimizimveliso,"
uyongeza uNala.



UNala uthi, "Inxalenye yomzimba engaphezu kwehafu ngamanzi! Amanzi awapheleli ekupheliseni unxano. Imizimba yethu iyawadinga ukuze isezenze."



UNala uthi, "Indawo eninzi emhlabeni inamanzi, njengemilambo, amadama nolwandle."

UNaka uyanqwala esithi, "Ngaphezu kweenxalenye ezimbini zomhlaba ngamanzi."



UNaka uthi, "Kodwa amanzi amaninzi emhlaben i anetyuwa. Mancinci kakhulu angenayo, la kanye adingwa ngabantu."



"Kunzima ibe kufuna imali eninzi ukukhupha ityuwa emanzini. Kodwa abantu abakwazi ukusela amanzi anetyuwa, kufuneka angabinayo!" utsho uNaka.



UNala uthi, "Ewe, yiloo nto kufuneka
sizihoye iindawo
ezinamanziangenatyawa emhlabeni.
Kufuneka singayingcolisi imilambo
namadama."



UNaka uthi, "Masifunde ngomjikelo wamanzi."

UNala ucacisa athi, "Yinkqubo apho amanzi asuka emhlabeni enyukele emoyeni aze aphinde ehle."



UNala uqhubeka athi, "Amathontsi
amancinci amanzi enyuka aye
esibhakabhakeni aze abengamafu.

Amanzi asemafini awela emhlaben
eyimvula, isicho tho okanye ikhephu."



UNaka uthi, “Ndinxaniwe, ndidinga amanzi!”

UNala uphendula athi, “Ewe, ingqondo yakho idinga amanzi ukuze icinge ize ifunde! Amanzi bubomi, waphathe kakuhle.”

—Imibuzo

1. Ngubani odinga amanzi
angenatyuwa? Ngoba?
2. Chaza imisebenzi yamanzi
emi5.
3. Singawahoya njani amanzi
angenatyuwa emhlabeni?
4. Awona manzi maninzi
emhlabeni anetyuwa okanye
awanayo? Cacisa.
5. Zoba umjikelo wamanzi.
Sebenzisa amagama
akwelibali ukuze ucacise
ukuba kwenzeka ntoni.



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



Your attribution should include the following:

Title: UNaka noNala batetha ngamanzi

Author/s: Eric Khorombi

Translator/s: Sinazo Mgobozzi, Bukeka Mahlangabeza

Illustrator/s: Simon Mokoena

Assurer/s: Angelinah Dazela

Language: isiXhosa



© Zenex Foundation - Saide 2023

CC BY includes the following elements:

BY – Credit must be given to the creator

